



**Meeqqani inuusuttunilu hashimik imigassamillu atornerluinerup qanoq pitsaanerpaamik pinaveersimatinnissaanut akiornissaanullu oqallisissiaq aallaavigalugu oqalinnissamut siunnersuut.**

(Inatsisartunut ilaasortat Naaja H. Nathanielsen, Attaviitsoq aamma Agathe Fontain, Inuit Ataqatigiit)

(Apeqquteqaat aallaavigalugu oqallinneq)

Demokraatini apeqquteqaat aallaavigalugu oqalinnissamut siunnersuuteqartut manna qulequtaq pingaaruteqarluinnartoq qaqimmassuk qutsavigaagut.

Aallaqqaasiutigalugu oqaatigissavarput Naalakkersuisut ulloq 24. maaji ikiaroorntoq hashi pillugu saqqummiussisimmammata nuannaarutigigatsigu, nuannaarutigaarput pilersaaruteqaratta Kalaallit Nunaanni ikiaroorntup haship atungaanerata millisarnissaanut sualummik eqqarsaatigalugit meeqqat inuusuttullu. Qujanaq.

Nuannersoq tassaavoq nunani allani takutinneqarmat atuarfinni aanngajaarniutit pillugit pitsaaliuinrup, allaat qarasaasiat atorlugit, kiisalu ikiaroorntumik hashimik atuilernissamut ulorianartorsiortut ikileriartarsimani ataqatigiimmata. Maannakkut ineriartortinneqarput atortussat ilaqtariinnut naartusortalinnut saaffiginnittut, ilaatigut qaammarsaatigineqarluni . ikiaroorntup haship pujua aamma ikiaroorntumik hashimik pujortarneq naartumut meeqqanullu mikisunut qanoq sunniuteqartarnersoq. Tamanna nuannerpoq.

Pissanganarporli paasissallugu atortut taakku tunngavigalugit isiginnaagassiornissaq Naalakkersuisut periarfissaqartissinnaassaneraat aamma Demokraatini isumaqarpugut pissanganassasoq qaammarsaanerit atuartitsissutillu assersuutigalugu KNR 2-mi aallakaatinneqartarsinnaanersut akunnerni aallakaatitsiviusannikkaluartuni imaluunniit allatut aaqiisoqarsinnaanersoq nuna tamakkerlugu aallakaatitsisarnissaq qularnaarniarlugu.

Isumaqarpugut qitiusumiit periarfissarsiortariaqartugut ujarlerlutalu immaqa kommit aamma katsorsaaviit suleqatigalugit. Aamma miljøarbejderinik taaneqartartut assersuutigalugu Maniitsumi meeqqanut inuusuttunullu kusanartumik sunniuteqarsimapput, tamatuma pisariaqartippaa meeqqat misissorneqartarnissaat, ilaqtariit ilaqtariinnut sullissivinnut attuumassuteqartittalernissaat il.il.

Peqataanillu eqqaamassavarput politiit kiisalu hash ikiaroorntullu pillugit siunnersuisoqatigiit suliamut akuutinneqassammata kiisalu ilisimatitsissutigineqartassasoq innuttaasut katsorsarnissaannut suliniutit suut periarfissaalersimansut.



Peqataanik aamma suliniutip "Angerlarsimaffimmi eqqissiviilliornermiit Oqaloqatgiinnermut" uppenarsaatissartalimik sunniutigisimasai innersuussutigissavagut - suliniummi ataqatigiissumik suleqatigiinnissaq aamma kommunip malitseqartitsinissaa pinngitsoorpoq taamaakkaluartorli sunniuteqarsimavoq kusanartumik inuusuttut pinerlunniartarnerannut, ikiaroonartumik aangajaarniutinillu atuinnermut, angerlarsimaffimmi eqqissiviilliortarnernut il.il.

Demokraatini meeqqat inuusuttullu - ajoraluartumik ikiaroonartumik hashimik pujortartartut - sallinngortinneqarnissaannut siunnersuuteqartut eqqarsaataat ilalerparput. Pinngitsoorani katsorsarneqartarnissaq pisinnaanersoq pitsaanerpaassaaq aamma nuannaarutigaarput taaneqarmat meeqqat inuusuttullu eqqarsaatigalugit aatsaat nammineq piumangaanni akuusarnissap atuunera atorunnaarsikkallarneqarsinnaasoq, taakku atonerluinermik kinguneri nalummatigit. Tamanna tapersersorusupparput ingerlateqqillugulu Naalakkersuisunut kaammattuutitut.

Apeqquteqaat tunngavigalugu oqallinnissamut siunnersuuteqartut apeqqutaannut kingullermut tunngatillugu; immikkoortumi inatsit sukaterneqarsinnaanersoq, Demokraatini isumaqarpugut pinngitsoorani sukaterneqartariaqartoq aamma massakkorpiaq tamanna pillugu siunnersuusiorpugut kiisalu nuannaarutigaarput qulequttat taamaattut sakkortuumik suli oqallisigisaratsigit.

Taamatut oqaaseqarluta Demokraatini Inatsisartut oqaaseqaateqarnissaat ilalerparput.

Qujanaq oqaaseqarsinnaagama.